

籌辦夷務始末

卷五十九之六十

籌辦夷務始末卷之五十九

道光二十二年壬寅七月癸亥。

欽差大臣耆英兩江總督牛鑑署乍浦副都統伊里布奏竊奴才等前因暎夷猖獗江甯萬分危急冒死允夷所請並乞將臣等從重治罪緣由馳奏在案。彼時實因安危呼吸稍遲即變。是以權宜從事。暫戢兇鋒。以便派委大員前往妥議。臣等於發給照會後。即委四等侍衛咸齡署江甯布政使按察使黃恩彤。於初九日乘夜出城。親赴夷船。向該夷酋明白曉諭。並令議一切章程。即據夷酋嗎喇遜等四人出艙相見。該侍衛等待以至誠。曉以大義。反覆開導。而該夷

酋等請求各款。堅執如前。加以駁詰。則負氣不服。該侍衛等連日與之詳議。始據該夷將通商輸稅各事宜。粗定條款。迨詰以如果允准。所有兵船。是否即行退出長江。該夷酋等聲稱。俟各款議定後。先給洋銀六百萬圓。伊等即將所泊各船。全行退出吳淞口外。江甯京口等處。決不再有阻遏。惟鎮海之招寶山。廈門之鼓浪嶼。及定海三處。須俟全銀付清。方肯退還等語。該侍衛等以為期太久。復據理向爭。該夷酋僅允將招寶山先行退出。其餘仍執原議。據該侍衛等將詰辯情形。稟經臣等公同熟商。權其利害。均有難以拒絕之處。謹將酌辦各條。另繕清單。恭呈

御覽。再該夷於酌擬條款後。復據稟稱。此次和好通商。既蒙

皇帝恩准。並

賞給馬頭。不勝欣感。惟萬世利賴。在此一舉。仍求將條款奏明。

皇帝批准。欽加

御寶。伊等亦請該國王蓋用印信。兩國分給。奉為世守。方可永結
和好。不致再啓兵端。再三籲請。情詞迫切。該侍衛等告以中
國無此體制。而嗎嚕噠則稱伊聞從前頒給各國

敕書。均用

御寶。務求奏請於所議條款內。鈐蓋

御寶。如不見允。伊等回國後。無以取信國王。必致再有爭論。所有

奉批。可。著。該。侍。衛。等。將。此。奏。件。存。案。

前議各條。即可勿庸置議等語。是該夷之意。專以御寶之准用與否。為向背從違。察其隱衷。實因悔禍厭兵。或恐再有翻悔。欲為一勞永逸。杜絕後患之計。該夷性本多疑。若非示以

恩信。易啟反測之端。合無仰懇

天恩。俯從所請。

耆英伊里布。又奏。再目下事處萬難。啖夷船隻。早出長江。一日。早得一日相安。今啖夷請於所議條款內。鈐蓋

御寶。如蒙

恩准。尚可救燃眉。儻屬難行。該夷定必決裂。屆期除遵

旨飛咨揚威將軍奕經體察情形。或保守蘇州。或前來救援。並飛咨揚州蘇州安徽湖北江西等省。一體嚴防外。查省城附近之鍾山燕子磯。一帶險要處所。已為數百名逆夷所據。並安設大礮。一經開仗。勢有難支。況城中滿綠各營兵丁。及所調征兵。統計不滿八千名。兵單礮少。禍在旦夕。儻江甯一有疏虞。蘇州尤關緊要。今粵省英粵伊里布。雖無守土之責。究在江甯駐紮。是否會同督臣牛鑑將軍德珠布。及提鎮等。守衛城池。抑或督率丹陽句容後路官兵。擇要堵截。以防內竄之處。伏候

訓示遵行

硃批。何至受此逼迫。忿恨難言。

諭軍機大臣等。耆英等奏。連日與暎夷會議。粗定條約一摺。覽奏。忿恨之至。朕因億萬生靈所繫。實關天下大局。故雖憤問。莫釋。不得不勉允所請。藉作一勞永逸之計。非僅為保全江浙兩省。而然也。該大臣等所稱。可救燃眉。是徒知救急於目前。未計貽憂於日後。所商各條內。尚有應行籌酌之處。即如該夷船隻。既肯退出長江。又肯退出招寶山。其前請之通商貿易五處。除福州地方。萬不可予。或另以他處相易外。其廣州。廈門。寧波。上海。四處。均應准其來往貿易。不得占據久住。至藉詞索欠一節。該大臣等須婉轉曉諭。該國與內地通商。已二百年。向稱和好。從

前貨物交易。銀錢往來。俱係由洋商與汝等自行經理。我國官員向不過問。且此中貿易曲折。價值低昂。甚為瑣屑。況各國言語不通。斷非地方官所能辦理。嗣後各處通商。自應仍照舊章。毋庸更改。儻該商有格外苛求。過於剋扣之處。不妨向粵海關監督呈明。必將該商懲處。斷不姑容。所稱商欠一節。除三百萬圓。由廣東查明商欠追還外。其餘斷難官為保交。至現議先交之六百萬圓。自應付給以示誠信。除現在民捐一百數十萬兩外。其不敷之處。准其暫於江浙安徽藩運各庫。通融借撥。統於捐輸項下還款。其各省貿易。該夷自納稅銀。由副領事親赴海關交納。不經行商之手一節。有無窒礙。漸滋流弊之處。仍著該

大臣等再行妥議具奏。至官員用平行禮。及將被虜夷人。並被誘漢民。一體懇恩釋放。俱著准其所請。又另片奏請於所議條款內鈐蓋御寶等語。該夷不以汝等印信為憑信。而以御寶為憑信。雖屬可惡。尚不失尊崇之意。向來頒給各國敕書。均用御寶。著准其鈐蓋。惟如何齎呈鈐蓋之處。仍先行奏明酌覈辦理。經此議定之後。該大臣等務當告以大皇帝相待以誠。所求無不允准。從此通商。永相和好。汝國亦應以誠相待。斷不准再啟兵端。違悖天理。不但業經滋擾各省。不得復來尋釁。即沿海之廣東。福建。臺灣。浙江。江南。山東。直隸。奉天。各省地面。亦不准夷船駛入。此時既經和好。各省官兵。應撤應留。我國自有斟酌。至

內地舊有城池墩壘。並礮臺等項。亦應次第修築。以復舊規。並非創自今日。此係為防緝洋盜起見。並非為防禦該夷而設。不必妄生疑慮。其有他省現尚不知和好消息。見有夷船駛入。輒行攻擊者。亦不得藉為口實。以上各節。總在該大臣等深思遠慮。切實定議。永杜兵萌。不可稍涉含糊。仍成不了之局。慎之慎之。本日據程喬采片奏。佛郎西亞國夷人前往吳淞江口等語。該夷所請各節。是否另有詭計。該大臣等於接到該撫信函後。自必妥商酌辦矣。程喬采及奕山等前陳各片。俱著鈔給閱看。江蘇巡撫程喬采奏。竊據各處探報。該夷船陸續向西南行駛。其鎮江城外停泊之船。逐漸減少。城外夷匪出入無

時。擄捉民人。教演槍礮。並勒令代為砌路。又將城輒拆下。將江口木料。運至教場。有修蓋房屋之說。節經咨會參贊。齊慎。督臣牛鑑等。加意防範去後。茲復據探報。截至七月初四日止。鎮江甘露寺前。原泊船九隻。續由西南駛回二隻。共計十一隻。又江甯自六月二十八日起。至初四日止。共到夷船二十五隻。均在下關寄碇。尚未蠢動。在後未到船隻甚多。各等情。查該夷兇狡異常。實堪憤恨。若非大加懲創。不足以伸。

天討而快人心。惟邇來逆燄正張。即水勇已多退避。我兵當疊次挫衄之後。尤覺風鶴俱驚。昨奉

上諭。杜受田奏。廣東生員張煥元。有木簾火攻之議。將原片鈔給閱看。惟在相度機宜。妥為辦理等因。欽此。前次夷船駛入。即經會同督臣委員購買桐油柴草。裝貯船艙。順流縱火焚燒。未嘗不欲藉火攻。以為制勝之具。無如該夷工於趨避。且槍礮猛烈。洪濤巨浪之中。非人力不能控制。而人在簾上。該逆在桅上。施放大礮。彈丸從空飛墮。火箭亦紛至沓來。該兵勇等無所遮護。氣已先餒。斷難操縱自如。是攻擊之策。務須計出萬全。方為得力。至木簾一項。安省聚集較多。江甯籌備亦易。臣已會督在事文武各員。察看情形。相機辦理。至江甯現極危急。業經

欽差大臣耆英署乍浦副都統伊里布馳往會商籌辦飭調臬司崇恩前赴無錫駐防適撤回之京右高資二營官兵五百夕因京口不能渡江折回候示即經臣飭令趕赴無錫交給崇恩統帶現因揚州地方逼近江口雖經督臣飭調徐州鎮兵五百名並札該營參將繼倫將調防福山兵丁二百名調防和尚渠兵丁一百五十名馳回本汛連漕河兩標所撥官兵僅止一千餘名臣復飭令調赴無錫之京右營兵一百五十名亦回瓜洲本汛防禦所有河南撫臣遵旨預備官兵六百名現已咨報啟程將來行抵清江應由河臣麟慶酌量調撥項准揚威將軍咨會欽奉

諭旨。調撥官兵前赴安徽。已移知參贊齊慎。將統帶之壽春鎮官兵五百名。交給署壽春鎮岱昌帶赴安省。囑即抽撥官兵六七百名。交齊慎調派。當因廣西副將倭什洪額帶領廣西官兵四百五十名。在於常州之奔牛鎮防守。應否即行調撥。經臣咨商齊慎去後。復准揚威將軍咨會。將調防各口岸之廣西官兵。全數交給齊慎管帶。臣因崑山之白塔灣地方。尚有廣西官兵二百五十名。即飭署參將德善帶令星馳前往。並咨會督臣另行派兵抵防。其奔牛鎮之廣西官兵。相距丹陽僅數十里。朝發可以夕至。飭俟齊慎應須調用時。再行前往。否則仍在該處屯駐。亦足以備聲援。

所有鎮江潰散之青州滿營兵丁已陸續收集一百九十餘名。現由齊慎管帶。又滿城被難男婦三千餘名。先後逃至丹陽。因該處駐紮重兵。地方狹窄。臣已飭赴常州府城。由地方官妥為安插。按日給發口糧錢文。免致失所。現在江陰驚鼻背尚泊大夷船兩隻。劉河一隻。吳淞口一隻。又佛郎西亞國船一隻。其餘往來無定之船。據報數目不一。據蘇松太道巫宜禊稟。六月二十七日。有三桅火輪船一隻。杉板船一隻。由吳淞口駛入黃浦江。該道即會同署提右營遊擊封耀祖。署上海縣知縣秋家丞。親自出城安慰民人。彈壓土匪。並遣親信之人。前往查探。據稱寶山民人。

因奉官長諭禁。不肯賣給該夷菜物。故欲見官講理。且欲在上海通商等語。該道因恐夷人登岸蹂躪。即與署縣秋家丞。親詣該船。諭以通商一事。必須

大皇帝施恩。容俟詳請奏明。

定奪。至食物不得接濟外夷。亦屬

天朝禁令。非該道等所敢擅專。該夷目唯唯無辭。即於是日申刻將船退去。蘇州省城地方。現在尚稱安謐。

程喬采又奏。再臣接據蘇松太道巫宜禔稟稱。六月二十四日。據寶山縣民王世勲投稱。伊在海塘經過。被佛郎西亞國夷人。勒令送信。伊畏懼不允。該夷用刀嚇逼。並稱信

內別無他事。不過要求幫助。

天朝。是以齋書投遞等語。該道因該夷船既另是一國。且言欲夾幫助。當將來書拆閱。係佛郎西亞國夷目則濟勒遞書求見。詞意極為恭順。與王世勳所言相符。惟與暎夷船隻同泊吳淞。難保非串同一氣。當以我

朝功令。非奏明不能與外夷接見之語。諭令回覆。忽於初三日。風聞夷船定欲來至上海。該道恐居民驚擾。不得已坐船前往距城數里地方等候。即於初四日。該夷目帶同通事等。乘坐雙桅杉板船二隻。由黃浦江駛進。該道飭令上船相見。據稱伊國與暎咭喇。並稱強盛。兩國兵爭。幾三十年。